



14. august 2013

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut Qaqortumi timmisartunut suluusalinnut mittarfiliornissaq pillugu:

1. Suna pissutaava Naalakkersuisut 2014-mut Aningaasanut inatsisissamut atatillugu Qaqortumi timmisartunut suluusalinnut mittarfiliornissamut aningaasanik immikkoortitsisimanginnerannut – ukiumut aningaasaqarfiusumut 2014-mut imaluunniit ukiut missingersersuorsiorfiorsunut ilaannut?
(Inatsisartunut ilaasortaq Jens B. Frederiksen, Demokraatit)

Tungavilersuut

Paasisinnaavara Qaqortumi innuttaasut salloqittarneqarujussuurtutut misigisimappata. Naak Naalakkersuisut arlaleriarlutik neriorsuisarnikuugaluartut, Qaqortumi timmisartunut suluusalinnut mittarfiliortoqarumaartoq allaanngilaq susoqarusuttoqanngitsoq.

Aningaasanut Inatsisissap saqqummiunneqarneranut atatillugu pissanngatiginerpaasama ilagisimavaat Qaqortumi timmisartunut suluusalinnut mittarfiliornissamut aningaasat qassit immikkoortinneqarsimassanersut. Minnerpaamik naatsorsuutigisimavara 2015-mi pilersaarusiornissaa aningaasaliiffiqarsimassasot, Peqqinnermut Attaveqarnermullu Naalakkersuisoq ulloq 24. juni 2013-mi tusagassiutinut nalunaaruteqarnermini allammat, Qaqortumi timmisartunut suluusalinnut mittarfiliornissap ukiumut aningaasaliiffiusumi 2015-mi pingaarnersuineranut ilaatinneqarumaartoq naatsorsuutigigini. Ajoraluartumilli 1 koruuninguamilluunniit immikkoortitsisoqarsimangilaq.

Qaqortumi timmisartunut suluusalinnut mittarfiliornissaq pingaarnermik kontolneqarsimagaluarpoq tassaalluni 87.73.20. Nuanniitsuali uaniippoq 2014-mi, 2015-mi, 2016-mi 2017-miluunniit konto taanna immikkoortitsiffiqarsimangimmat. 0 koruunit mittarfiliornissamut naammangillat.

Eqqortoq pillugu ilumoornerassavara, Naalakkersuisut Aningaasanut Inatsisissap ilaani ataasiakkaani taammasuk, misissuinerit ingerlateqqinneqarumaartut. Assersuutigalugu qupperneq 115-mi Naalakkersuisut imatut allapput:

AIS2014-imi saqqummiunneqartumi aamma Qaqortumi nunap immikkoortuani mittarfiliornissap inuiaqatigiit aningaasaqarneranni imminut akilersinnaaneranik nalilersuinerup ingerlanneqarnissaa suliniutaavoq, atlantikulu ikaarlugu timmisartornermut mittarfiup siunissami inissinneqarnissaanik aalajangiinissamut aqutissiuissalluni.

Arraa takkuuk; Assartuineq pillugu Isumalioqatigiisit ukiut arlallit matuma siornali naqissuserpaat, Qaqortumi atlantikulu ikaarlugu timmisartunut mittarfiup sananissaa inuiaqatigiit aningaasarsionneranni imminut akilersinnaasoq. Taamaakkaluortoq Naalakkersuisut isumaqarput sulii misissuisoqaqqittariaqartoq taamaasillutik Qaqortumi innuttaasut mittarfittaarnissaminnut sulii utaqqeqqittariaqassapput.



DEMOKRAATIT
DEMOKRATERNE

Apeqquutit akeqquneqarput tiguseraniit ullut sulliviit nalingnaasut qulit qaangiutsinnagit.